

BOSNA I HERCEGOVINA
FEDERACIJA BOSNE I HERCEGOVINE
VRHOVNI SUD
FEDERACIJE BOSNE I HERCEGOVINE
GRAĐANSKO ODJELJENJE
Broj: 70 0 P 006137 17 Spp
Sarajevo, 10.03.2017. godine

Vrhovni sud Federacije Bosne i Hercegovine u Sarajevu, odlučujući o zahtjevu advokata Cviko Šefika iz Sarajeva za rješavanje spornog pravnog pitanja, na osnovu odredbe člana 61c. stav (1) Zakona o parničnom postupku¹, te odredbe člana 18. Pravilnika o unutrašnjem sudskom poslovanju Federacije Bosne i Hercegovine i Brčko Distrikta², u sjednici Građanskog odjeljenja održanoj dana 10.03.2017. godine, donio je slijedeću:

O D L U K U

Odbacuje se zahtjev advokata Cviko Šefika za rješavanje spornog pravnog pitanja broj: 70 0 P 006137 17 Spp od 31.01.2017. godine.

O b r a z l o ž e n j e

Ovaj sud je dana 31.01.2017. godine zaprimio zahtjev advokata Cviko Šefika, u kojem se traži mišljenje Vrhovnog suda Federacije BiH u Sarajevu o spornom pitanju nadležnosti za odlučivanje u predmetima u kojima je tuženi Federalni zavod za PIO/MIO, a tužbom se traži isplata razlike između utvrđenog iznosa penzije i manje isplaćene penzije, nakon početka primjene Zakona o načinu ostvarivanja ušteta u Federaciji Bosne i Hercegovine („Službene novine FBiH“, broj 50/09).

Odredbom člana 61a. stav 1. ZPP je propisano da se postupak pred Vrhovnim sudom Federacije radi rješavanja spornog pravnog pitanja pokreće zahtjevom prvostepenog suda po službenoj dužnosti ili na prijedlog stranke.

Odredbom člana 61b. ZPP je propisano šta zahtjev iz člana 61a. stav 1 ZPP treba sadržavati, a odredbom člana 61c. istog zakona, da će Vrhovni sud odbaciti nepotpun ili nedozvoljen zahtjev za rješavanje spornog pravnog pitanja.

¹ „Službene novine FBiH“ broj 53/03, 73/05, 19/06 i 98/15

² „Službeni glasnik BiH“ broj 66/12 i 40/14

Kako u konkretnom slučaju postupak za rješavanje spornog pravnog pitanja nije pokrenut od strane prvostepenog suda, tj. na način koji je propisan odredbama člana 61a. i 61b. ZPP, to nisu ispunjeni uslovi da Vrhovni sud Federacije BiH postupa po podnesenom zahtjevu, zbog čega se isti na osnovu odredbe člana 61c. istog zakona, odbacuje.

Predsjednik Građanskog odjeljenja:
Zdravka Grebo-Jevtić, s.r.